


PAMERAN MAYA



جامعة تكنولوجيا مارا
UNIVERSITI
TEKNOLOGI
MARA

Perpustakaan
Tun Abdul Razak
UiTM Cawangan Melaka

DI SEBALIK MAKNA PRINSIP RUKUN NEGARA



PTARMELAKA



UiTM Cawangan
Melaka Library



PTAR UiTM Cawangan
Melaka



PTAR UiTM Cawangan
Melaka



ptar_utm_melaka



**PAMERAN MAYA
DI SEBALIK MAKNA PRINSIP RUKUN NEGARA**

PENGENALAN RUKUN NEGARA

- 1. Ideology kebangsaan Malaysia yang telah dibentuk pada 31 Ogos 1970.**
- 2. Diperkenalkan berikutan peristiwa 13 Mei 1969.**
- 3. Tujuan utama Rukun Negara dibentuk adalah untuk membentuk perpaduan yang kukuh.**
- 4. Prinsip-prinsip dalam Rukun Negara merupakan kunci kepada keharmonian dan perpaduan kaum demi memastikan kejayaan dan kestabilan Malaysia.**
- 5. Memelihara satu cara hidup demokratik, iaitu dengan mencipta satu masyarakat yang adil.**



PRINSIP RUKUN NEGARA



Lima prinsip Rukun Negara

**Kepercayaan kepada Tuhan,
Kesetiaan kepada Raja dan Negara,
Keluhuran Perlembagaan,
Kedaulatan Undang-undang,
Kesopanan dan Kesilaan.**



PRINSIP RUKUN NEGARA



I. KEPERCAYAAN KEPADA TUHAN

Kepercayaan kepada Tuhan dimaksudkan sebagai bangsa dan negara ini telah diwujudkan atas kepercayaan yang kukuh kepada Tuhan.

Ketiadaan agama boleh meruntuhkan keperibadian dan merosakkan bangsa dan negara.



**PAMERAN MAYA
DI SEBALIK MAKNA PRINSIP RUKUN NEGARA**

PRINSIP RUKUN NEGARA



2. KESETIAAN KEPADA RAJA DAN NEGARA

Kesetiaan kepada Raja dan Negara adalah berteraskan kepada amalan Sistem Demokrasi Berparlimen dan Raja Berpelembagaan dengan Seri Paduka Baginda Yang di-Pertuan Agong sebagai ketua negara.

Kesetiaan kepada Raja dan Negara bermaksud setiap warganegara hendaklah menumpukan sepenuh taat setia, jujur dan ikhlas kepada Seri Paduka Baginda Yang di-Pertuan Agong.



PRINSIP RUKUN NEGARA



3. KELUHURAN PERLEMBAGAAN

Keluhanan Perlembagaan menekankan perlunya rakyat menerima, mematuhi dan mempertahankan keluhuran atau kemuliaan Perlembagaan Negara.

Perlembagaan Negara adalah sumber perundangan yang tertinggi dan berfungsi untuk memberi perlindungan kepada setiap rakyat negara ini akan hak dan keistimewaan mereka sebagai warganegara.

Perlembagan Malaysia turut menentukan pola politik dan kedudukan sosioekonomi rakyat di negara ini.

Perlembagaan Negara telah digubal berasaskan kesepakatan semua kaum dan semua pihak di negara ini.



PRINSIP RUKUN NEGARA



4. KEDAULATAN UNDANG-UNDANG

Keadilan yang diasaskan atas Kedaulatan Undang-undang menunjukkan setiap rakyat adalah sama taraf di sisi undang-undang.

Tanpa adanya undang-undang maka negara tidak dapat mencapai keamanan dan kestabilan.

Kewujudan undang-undang akan menjamin kehidupan masyarakat agar dapat hidup dalam suasana yang teratur dan selamat tanpa sebarang bentuk kekacauan.



PRINSIP RUKUN NEGARA



5. KESOPANAN DAN KESUSILAAN

Kesopanan dan Kesusilaan menekankan perkembangan personaliti dan tingkah laku setiap rakyat.

Ianya bertujuan untuk membentuk warganegara yang bersopan santun dan bersusila selaras dengan kempen Budi Bahasa dan Nilai Murni yang dijalankan.

Sifat individu yang bersopan santun dan bersusila adalah paling bermakna dan amat penting dalam konteks perhubungan antara satu sama lain dalam masyarakat pelbagai kaum di negara ini.

Sikap bersopan santun dan bersusila patut diamalkan bagi membentuk seseorang individu dan masyarakat yang berdisiplin dan bermoral tinggi.

Tingkah laku sopan juga mengandungi suatu darjah kesusilaan yang tinggi dalam kedua-dua kehidupan persendirian dan kehidupan bernegara.

Prinsip ini menjadi panduan supaya perilaku masyarakat sentiasa terpelihara dan berkembang sesuai dengan keperibadian bangsa dan nilai-nilai murni.



PAMERAN MAYA DI SEBALIK MAKNA PRINSIP RUKUN NEGARA

KESIMPULAN RUKUN NEGARA



Rukun Negara bukanlah sekadar prinsip yang hanya dilafazkan dengan ikrar tetapi ianya menuntut kesungguhan setiap warganegara untuk menghayati dan mengamalkannya.

Mengamalkan Rukun Negara akan melahirkan masyarakat yang bersatu padu, muhibah tanpa mengira kaum serta bersikap saling menghormati antara satu sama lain.

Melalui perpaduan yang kukuh maka pertumbuhan ekonomi dapat ditingkatkan dan kestabilan politik dapat dikekalkan dalam sistem pemerintahan negara yang bercorak demokratik.